



**A**mefanyika bora kupita malaika, kwa kadiri jina alilolirithi lilivyo tukufu kuliko lao. Kwa maana alimwambia malaika yupi wakati wo wote, Ndiwe mwanangu, Mimi leo nimekuzaa? Na tena, Mimi nitakuwa kwake baba, Na yeye atakuwa kwangu mwana? Hata tena, amletapo mzaliwa wa kwanza ulimwenguni, asema, Na wamsujudu malaika wote wa Mungu.—**Waebrania 1:4-6.**

Kama malaika Gabrieli angetumwa kuja kwenye dunia hii kujitwalia asili ya kibinadamu na kufundisha elimu ya Mungu, watu wangukuwa na shauku kiasi gani kusikiliza maelekezo yake. Hebu fikiria kama angeweza kutupatia mfano mkamilifu wa usafi na utakatifu, akituhurumia katika huzuni zetu, misiba yetu, mateso na kuteseka kwa ajili ya dhambi zetu, tungekuwa na shauku kiasi gani ya kumfuata. Angepokea sifa kiasi gani. Watu wangetamani kumweka kwenye kiti cha enzi cha Daudi, na kukusanya mataifa ya dunia chini ya bendera yake.

Ikiwa, wakati huyu kumbewa kimbungu angerudi nyumbani kwake, angeacha nyuma yake kitabu chenye historia ya utume wake, kikiwa na ufunuo kuhusu historia ya dunia hii, ni kwa shauku kiasi gani mhuri uliokifunga ungevunjwa! Wanaume na wanawake wangukuwa na hamu kubwa kiasi gani kupata nakala yake! Watu wenye fikra wangehifadhi maelekezo ya thamani hivi kwa ajili ya kunufaisha vizazi vijavyo. Maelfu kutoka sehemu zote za dunia wangukoku maneno ya kitabu hiki. Wakiwa na shauku ya hali ya juu sana wangesoma na kusoma tena kurasa zake. Kwa muda fulani shauku zingine zote zingewekwa kuwa chini ya mafunzo ya yale yaliyo ndani yake.

Lakini Yeye apitaye fikra zote hizo ziwezazo kusema, alishuka kutoka mbinguni hadi kwenye dunia hii. Karibu miaka 2000 iliyopita sauti ngeni ya ingizo la kushangaza ilisikika kutoka kwenye kiti cha enzi cha Mungu, “Dhabihu na toleo hukutaka, Lakini mwili uliniwekea tayari; ...Tazama, nimekuja ... Niyafanye mapenzi yako, Mungu.”

Nabii alisema: “Maana kwa ajili yetu mtoto amezaliwa, Tumepewa mtoto mwanamume; Na uweza wa kifalme utakuwa begani mwake; Naye ataitwa jina lake, Mshauri wa ajabu, Mungu mwenye nguvu, Baba wa milele, Mfalme wa amani.”...

Mtume Paulo alivyomwona Kristo katika mamlaka Yake, kwa ghafla alitamka kwa mshangao: “Na bila shaka siri ya utauwa ni kuu. Mungu alidhihirishwa katika mwili, Akajulika kuwa na haki katika roho, Akaonekana na malaika, Akahubiriwa katika mataifa, Akaaminiwa katika ulimwengu, Akachukuliwa juu katika utukufu.” “Kwa kuwa katika yeye vitu vyote viliumbwa, vilivyo mbinguni na vilivyo juu ya nchi, vinavyoonekana na visivyonekana; ikiwa ni vitu vya enzi, au usultani, au enzi, au mamlaka; vitu vyote viliumbwa kwa njia yake, na kwa ajili yake. Naye amekuwako kabla ya vitu vyote, na vitu vyote hushikana katika yeye” (The Signs of the Times, Aprili 4, 1906).